



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 30. Papa Cæsaris Legatum excipere tergiversatus.

[urn:nbn:de:hbz:466:1-66800](https://nbn-resolving.org/urn:nbn:de:hbz:466:1-66800)

pui patroni, tutores, ac defensores durissimis etiam temporibus extitissent. His Legatus addere jubebatur, non prætermisurum Cæsarem, ut primo quoque tempore pro veteri, ac recepto more de coronatione sua honorificam legationem ad Pontificem, ac Sanctam Sedem adornaturus esset.

§. XXX.

Papa Cæsaris Legatum excipere tergiversatus.

Quamvis summus Pontifex hanc novi Cæsaris observantiam, necnon filialis obsequii testificationem summopere gratam habere crederetur, ille tamen ob recentes cum Austriaca Domo similitates nondum postremis concordiae pactis plene compositas Cæsaris legatum adeo non benigne excepit, ut etiam illum ad alloquium admittere renueret: contendebat enim Pontifex, quod Imperii abdicatio in Ferdinandi favorem facta haud subsisteret, cum inscia, ac prius haud consultata Sede Apostolica fuisset firmata, ac proin Imperium non nisi a die, qua Carolus V. obiisset, vacare censeretur; quamvis enim Ferdinandus in Romanorum Regem fuisset electus, ejusque electio a Clemente VII. confirmata, suo tamen fratri nonnisi eodem fatis functo succedere potuisse in-

quie-

Sæcul. XVI.
A. C. 1558.

Thuan. l. c.
Spond. n. 3.
Pallav. l. 14.
c. 6. n. 5.

Sæcul. XVI.
A.C. 1558.

quiebat Pontifex, cum reliqui duo succedendi modi, qui vel per cessionem, vel exauctorationem fiunt, unice a Sacra Sede dependeant, atque in utroque eventu Cæsarem nominandi jus ad solum Pontificem devolvatur. Hoc quoque Papa in publico Senatu ad id celebrato proposuit Cardinalibus, qui Pontifici penitus addicti, ac non minus ampliandæ auctoritatis studiosi sic respondebant: „necessitas suadet, ut publicis documentis demonstretur, quomodo per abdicationem, sive cessionem Caroli Imperatoria dignitas vacaverit, & quonam jure Ferdinandus in eam successerit: interea non debet admitti ipsius Orator, antequam constet, an Carolus V. legitime dignitate solutus sit, ut Frater ejus, qui successit, legitime successisse dici possit, „

§. XXXI.

Cæsaris abdicatio Romæ in controversiam vocata.

Pallav. s. 6. n. 6. **H**is insuper addebant Cardinales: „ea, „quæ Francofordiæ gesta fuere, „nullius sunt momenti, cum non inter- „venerit in iis auctoritas Sanctæ Sedis, & Christi Vicarii, cui claves cœlestis, ac terreni Imperii creditæ sunt, „sine quibus nec Carolus legitime Imperio „perio